



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	BH AHAD			
TARIKH	:	8/8/2021 (AHAD)	MUKA SURAT	:	16
JABATAN	:	PERHILITAN			

10 jam selamatkan tapir 200kg jatuh lubang

Kuala Krai: Jabatan Perlindungan Hidupan Liar dan Taman Negara (Perhilitan) Kelantan menyelamatkan tapir dewasa yang terperangkap dalam lubang di kawasan kebun KESE-DAR Baru Chenulang, Kuala Krai.

Dalam operasi pada jam 10.30 pagi kelmarin, tapir jantan yang dianggarkan seberat 200 kilogram (kg) itu ditemui terperangkap dalam lubang di kebun getah milik seorang penduduk, yang dibuat bagi tujuan perladangan.

Ketua Perhilitan Daerah Kuala Krai, Azhan Ab Razak, berkata seramai 13 kakitangan Perhilitan Kelantan, termasuk Pengarah Perhilitan Kelantan, Ady Armanty Haniff Mohamed Hanif, terbabit dalam operasi

menyelamat itu.

Katanya, pemeriksaan kesihatan dijalankan oleh Penolong Pegawai Veterinar Jabatan Perhilitan dan ketika ini, haiwan itu tidak mengalami sebarang kecederaan.

“Operasi menyelamat tapir itu tamat pada jam 8.30 malam.

“Haiwan itu dimasukkan ke dalam kotak pindah dan ia akan dibawa ke Taman Negara Pahang (Sungai Relau) untuk dilepaskan semula ke habitat asalnya,” katanya dalam satu kenyataan, di sini, semalam.

Beliau turut menyarankan orang ramai untuk menghubungi Jabatan Perhilitan Negeri atau daerah yang terdekat jika menemui hidupan liar yang perlu diselamatkan.

Sebarang aduan boleh disa-



BH Ahad, 8 Ogos
2021_16

Tapir dewasa yang terperangkap di dalam lubang sebelum dipindahkan anggota Perhilitan Kelantan.
(Foto ihsan PERHILITAN)

lurkan kepada Jabatan PERHILITAN melalui talian hotline Perhilitan 1-800-88-5151, 019-3885046 (Pengurusan Kon-

flik Hidupan Liar Negeri Kelantan), e-aduan di laman web www.wildlife.gov.my atau kelantan@wildlife.gov.my.